

Муфтий Муҳаммад ал-Кавсарий

Image not found or type unknown



17:40 / 15.04.2019 3673

Муфтий Муҳаммад ал-Кавсарий (Абу Абдуллоҳ) Буюк Британиянинг Лайстер шаҳрида таваллуд топган. Шайх Муҳаммад Тақий Усманий ҳазратларининг шогирди саналади.

У киши отаси шайх Мавлоно Одам қўли остида тарбия олди, униб-ўсди. Болалигиданоқ ислоний илмларни ўзлаштира бошлади. 9 ёшида Қуръони каримни ёд олиб, ҳофизи Қуръон бўлди. 12 ёшида эса Буюк Британиядаги Дорул улум Барига ўқишга кирди ва шайх Муҳаммад Юсуф Моталий, шайхул Ҳақа каби кўплаб шайхлардан араб тили, фикҳ, ҳадис, тафсир илмини ўрганди. Шу ерда у Ҳиндистон Бош муфтийси шайх Маҳмуд ал-Ҳасан Гангоҳийдан ҳадис илми ҳамда бир қанча китоблар, хусусан олти асосий ҳадислар тўплами бўйича ижозалар олди. Фикҳ илмини ўқитишга асосланган махсус курсини тамомлади.

Муфтий Муҳаммад ал-Кавсарий Дорул улумни яқунлаганидан сўнг, Карачи томон йўл олди. Муҳаммад ал-Кавсарий у ерда замонамизнинг энг донгдор, улуғ олимларидан бўлмиш, шариат қозиси (айни дамда нафақада) шайх Муҳаммад Тақий Усманий ва бошқа кўплаб олимлардан илм ўрганди ва изожалар олди.

Муфтий Муҳаммад ал-Кавсарий «Закотнинг осонлаштирилган қоидалари», «Акциялаштириш масалалари», «Исломда туғилиш ва абортларни назорат қилиш» каби бир қатор асарлар муаллифи саналади.

Шунингдек, шайхнинг фикҳга оид кўплаб мақолалари маълум ва машҳурдир.

Муфтий Муҳаммад ал-Кавсарий талабаларга, хусусан махсус курсларда исломий ва замонавий илмларни уйғунлаштирган ҳолда кўплаб маърузалари билан иштирок этган. Бугунги кунда ҳам у киши ўз маърифий фаолиятини давом эттира туриб, Буюк Британия бўйлаб сафарлар уюштироқда.

Ҳозирда Муфтий Муҳаммад ал-Кавсарий Лайстер шаҳрида истиқомат қилади. Шайх «Жоме улум ал-Қуръон» муассасасида директор бўлиши билан бир қаторда, у ерда турли исломий фанлардан сабоқ ҳам бермоқда, «Дорул Ифто» Ислом ҳуқуқи институтида тадқиқотчилик фаолияти билан шуғулланиб келмоқда.

Муфтий, шунингдек Ал-Калом Шариа (мусулмон истеъмолчилари ва тадбиркорларига шариатга мувофиқ равишда асосли ва қониқарли маълумотларни етказиш мақсадида очилган) олимлар комиссияси аъзоси, Ислом соғлиқни сақлаш таълими уюшмаси ҳузуридаги Маслаҳат кенгаши аъзоси ҳамда Ислом молияси масалалари бўйича шариат маслаҳатчиси ҳам ҳисобланади.

Анвар Абдуллоҳ тайёрлади